

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IV. In nullo bono creato, vera hominis beatitudo consistere potest

[urn:nbn:de:hbz:466:1-77355](#)

DISPUTATIO SECUNDA

majora mala, quām dolor, cūm privent majori bono, nempe virtā, & rectitudine rationis, atque amicitia Dei. Item error & ignorantia, quae sunt mala nobilissima potentia, scilicet intellectus, ejusque perfectissimo actu opponuntur, sunt pejora quām dolor & tristitia, quae sunt mala partis sensitiva.

16. Ad secundum, nego etiam Antecedens: delectatio enim ideo appetitur, quia consequitur possessionem boni quod desideratur, vel quia ut suprā dicebamus, est veluti condimentum boni honesti. Ad probationem in contrarium distinguenda est Major de duplice quiete appetitus: prima, est ipsa boni possessione; quae quies dicitur, quia adeptō terminō cessat mortis, & mobile quiescit: Secunda vero, est illa delectatio quae consequitur possessionem boni desiderati, illamque supponit, & quae etiam à Theologis quies seu fructu appellatur. Si ergo sermo fit de quiete primō modo sumptā, verum est quod illa queritur propter se: secūs autem, si loquimur de quiete in secunda acceptione; illa enim non habet ex se appetibilitatem, sed ex possessione boni quod supponit: est autem contra rationem summi boni, quod habeat appetibilitatem ab alio; unde talis quies, seu delectatio, non potest esse summum bonum, nec subinde hominis felicitas.

S. III.

Beatus in bonis anima sita non est.

17. Dico tertio: Beatitudo objectiva hominis in bonis anima non potest consistere: Ita S. Thomas art. 7. ubi sic discutit. *Bonum quod est ultimus finis, est bonum perfectum, completem boni appetitum: appetitus autem humanus, qui est voluntas, est boni universalis; quodlibet autem bonum inherens ipsi anima, est bonum participantium... unde impossibile est quod aliquid eorum sit ultimus finis hominis.*

18. Probatur secundo: Bona anima, intellectu & voluntate possidenda, sunt scientiae & virtutes: Sed haec non possunt reddere hominem totaliter perfectum, ejusque appetitum omnino satiare: Ergo in bonis anima, beatitudo objectiva hominis nequit consistere. Unde idem S. Doct. opusc. 61. ad lectum gradum charitatis, egregie obseruat plures esse fontes, ex quibus homines hauriunt, ut sitim anima, seu naturale sciendi desiderium extinguant, nempe colum, elementa, plantas, animalia, & alia corpora mixta; è quibus aquas sapientiae hausere Plato, Aristoteles, Democritus, aliquique antiqui Philosophi, quos Apostolus mundi sapientes appellat. Verum in illis fontibus anima sitim, ac sciendi desiderium, cuiilibet homini naturaliter insitum, extinguere non potuerunt: quia objecta illa creata summum bonum non sunt, nec primam veritatem continent.

19. Confirmatur: Ultima hominis felicitas omnem excludit laborem & tristitiam: in addicendis autem scientiis, maximus contingit labor & afflictio spiritus, juxta illud Ecclesiastis 1. *In multa sapientia, multa est indignatio, & qui addit scientiam, addit laborem:* Ergo in scientiis ultima hominis felicitas consistere nequit.

20. Idem dicendum est de virtutibus. Nam ut recte discutit S. Thomas 3. contra gentes cap. 34. *Felicitas humana non est ad ulteriorem finem ordinabilis, si sit ultima: omnes autem operationes*

A *m Morales sunt ordinabiles ad aliiquid aliud. Quod patet ex his que inter eas sunt precipuae: operationes enim fortitudinis qua sunt in rebus bellicis, ordinantur ad victoriam & ad pacem, sicutum enim effet propter se tantum bellare. Similiter operations iustitiae, ad servandam pacem inter homines ordinantur, per hoc quod unusquisque quiete quod suum est possidet: & similiter patet in omnibus aliis. Non est igitur in operationibus moralibus ultima hominis felicitas. Unde Augustinus lib. 22. de civit. cap. 3. *Premium virtutis erit ipse qui viruum dedit.* Et tract. de Epicureis & Stoicis cap. 8. *Est virtus animi res laudabilis, prudentia, mala & bona discernens, iustitia sua cuique distribuens, temperantia libidines, fortitudo molestias equanimitas sustinens. Magna res, laudabilis res: lauda Stoicorum quam pates, sed dic unde habes? Non virtus animi tui te facit beatum; sed qui tibi virum dedit, qui tibi velle inspiravit, & posse donavit. Et capite precedenti: *Constitutus (inquit) ante oculos nostros tribus, Epicureo, Stoico, Christiano, interrogemus singulos. Dic Epicuree, que res faciat beatum? Respondeat: Voluntas corporis. Dic Stoice? Virtus animi. Dic Christiane? Dominum Dei.* Demum ferm. 13. de verbis Apostoli, rursus inter se comparans Epicureorum, Stoicorum, & Christianorum sententiam, hac scribit: *Dicebat Epicureus, mihi frui mea carne bonum est. Dicebat Stoicus, mihi frui mea mente bonum est. Dicebat Apostolus, mihi autem adhuc Deo bonum est.***

S. IV.

In nullo bono creato, vera hominis beatitudo consistere potest.

Dico ultimō: In nullo bono creato, sed in solo increato, vera hominis beatitudo consistit. Ita omnes Catholici, speculativē saltem definunt, eti multi eorum in praxi Epicureis & Mahometanis adhærere videantur; ita nimis voluntatibus corporis addicti, ac si de futuro saeculo nihil cogitantes, in illis solis suam beatitudinem collocarent.

Probatur primō conclusio ex Scriptura: dicit enim Propheta Psal. 15. *Dominus pars hereditatis mee.* Et Psal. 72. *Quid mihi est in celo, & a te quid volvi super terram?* Et statim: *Pars mea Deus in eternum. Quibus locis nomine pars significatur pars hereditaria, & tota hereditas; ut patet ex filio prodigo, qui patri dixit: Da mihi portionem substantia, quae me contingit: quibus verbis integrum suam hereditatem postulabat. Appellat ergo Regius Propheta Deum, partem suā hereditatis: quia cum ex acervo bonorum omnium, aliqui voluntates, alii divitiae, alii honores pro sua parte assumpserint, ille pro se Deum solum, tanquam meliorem partem illius acervi, pro sua tota hereditate elegit.*

Potest etiam secundō probari conclusio ex illo Isaiae 55, ubi Spiritus Sanctus à rebus creatis & temporalibus avertit hominem, & ad Deum vocat, sub metaphora aqua & cibi, quae à scientibus & clivientibus experturunt: *Omnis sicutus (inquit) venite ad aquas, &c. Quare appenditum argentum non in panibus, & laborem vestrum non in saturitate?* Quasi dicat, omnem laborem, acquirenda beatitudinis gratia assumptum, frustraneum esse, si beatitudo ex-

DE BEATITUDINE OBJECTIVA.

31

tra Deum queratur in his rebus terrenis & cadi-
cuis, quæ appetitum satiare non possunt. Un-

^{rap. 25.} de egregie Anselmus: *Cure ergo permulta vagaris
proflo homuncio, querendo bona anima tue & corporis
tui: ama unum bonum, in quo sunt omnia bona,
& suffici: desideria simplex bonum, quod est omne
bonum, & satis est.*

^{24.} Ad majorem ejusdem veritatis confirmationem & intelligentiam, legendus est liber Ecclesiastis: nam ut sapienter observavit Canus lib. 9, de locis Theologicis cap. 9, præcipius hujus libri scopus est ostendere, hominis beatitudinem non confidere in aliquo bono creato, sed in solo Deo; ad quod statim capite i. hoc proponit fundamentum: *Vanitas vanitatum & omnia vanitas: hoc est, omnia bona creata non solum vana, sed etiam vanissima sunt, ut hominem faciant beatum; nam geminatio illa, vanitas vanitatum, hebraismus est, superlativum denotans.* Et S. Thomas in hac quæstione percurrit omnia bonorum genera, ostendens in nullo esse beatitudinem: sic Salomon in toto decursu illius libri, seipsum in exemplum afflatus, discurrens per omnia genera bonorum creatorum, qui ipse studiosissime expertus est, & ostendit omnia vana esse ad beatitudinem conciliandam; ac tandem concludit in fine libri, dicens: *Finem loquendi pariter omnes audiamus. Deum time, & mandata eius obserua: hoc est enim omnis homo: id est (inquit Hieronymus) ad hoc natus est omnis homo.* Ex quo infinit Bernardus: *Ergo si hoc est omnis homo, absque hoc nihil omnis homo.*

^{25.} ^{serm. 20. in Cantic.} Posset tertio probari conclusio multis Sanctorum Patrum testimoniorum, quæ brevitatis causâ prætermitto. Unus sufficit Augustinus, qui lib. de moribus Ecclesiæ c. 8. sic ait: *Bonorum summa Deus nobis est; Deus est nobis summum bonum, nec infra remandum nobis est, nec ultra querendum alterum: alterum enim periculosum, alterum nullum est.* Et lib. 4. Confess. cap. 5. *Infelix homo qui scit illa (scilicet bona creata) te autem nescit: beatus autem qui te scit, etiam si illa nesciat: qui vero te & illa novit, non propter illa beatior, sed propter te solum beatus.*

^{26.} Denique candem conclusionem triplici ratione demonstro. Prima sic breviter potest propandi: Ratio ultimi finis, & primi principij, sibi invicem correspondent, & mutuo adæquantur; juxta illud commune Philosophorum axioma: *Ordo finium respondet ordini agentium:* At esse primum principium solum Deo potest competere: Ergo & ratio ultimi finis & objectiva beatitudinis illi solum convenit; juxta illud Apocal. 1. & 22. *Ego sum Alpha & Omega, principium & finis.*

^{27.} Secunda ratio sumitur ex Divo Thoma art. 8. Beatitudo objectiva perfectè debet nostrum quietare appetitum: At solum bonum increatum perfectè illum quietare potest: Ergo in solo bono increato consistit beatitudo. Major patet: nam beatitudo objectiva est ultimus finis, qui talis dicitur, ex eo quod ultimò finiat & terminet creature rationalis appetitum. Minor vero sic ostenditur: Objectum voluntatis, quæ est humanus appetitus, est bonum universale: Ergo solum bonum universale illum potest quietare: At bonum universale in solo Deo repertur, unde Deus loquens Moysi Exodi 3. dixit: *Ego ostendam omne bonum tibi (que verba de visione divinae essentiae communiter intelliguntur)*

A Ergo solum bonum increatum potest hominis appetitum satiare.

Confirmatur exemplo materia prima horum corruptibilium, quæ quia omnem formam sublunarem appetit, per nullam illarum potest perfectè satiare; sed tunc solum perfectè satiaretur, si vel omnes reciperet, vel aliquam eminenter alias continentem: Atqui similiter voluntas hominis appetit bonum in universali, siue ad omne bonum in appetendo extenditur: Ergo per nullum illorum quietari potest perfectè, sed solum perfectè satiabitur, si omnia bona possideat, vel aliquod in quo omne bonum eminenter continetur; cumque ista continencia solum bono increato possit competere, consequens fit, quod solum bonum increatum possit perfectè hominis appetitum satiare.

Confirmatur amplius: Totus mundus per globum, seu circularem figuram representatur; cor autem hominis est figura pyramidalis, seu triangularis, cuius basis est suprà, & culpis infra, teste experientia anathomica: Sed datò & posito circulo supra triangulum, semper aliquis angulus trianguli manet inexplicatus, & per alium duntaxat triangulum repleti potest, ut demonstrant Mathematici: Ergo cor hominis per nullas creaturas in mundi globo contentas, sed solum per alium triangulum, nempe Santissimam Trinitatem, repleti potest.

Tertia ratio, quæ est desumpta ex parte intellectus, & quam proponit D. Thomas quæquenti art. 8. potest sic formari. Non minus est de ratione beatitudinis quietari perfectè intellectum, quam satiare voluntatem: At omnibus creaturis divisivè aut collectivè cognitis, intellectus non quietaretur, donec ad quidditativam Dei cognitionem perveniret: Ergo in nullo createdo beatitudo objectiva hominis potest confidere. Major patet: beatitudo enim est bonum perfectè satiavitum hominis, subindeque utriusque potentiae in anima eius existentis, intellectus scilicet & voluntatis. Minor vero probatur: Naturale est homini, cognitis effectibus, desiderare cognoscere causam, non solum quantum ad an est, sed etiam quantum ad quid est, seu habere cognitionem quidditativam illius; objectum enim intellectus est quod quid est, id est, essentia & quidditas rei, ut dicitur in 3. de anima: Ergo omnibus creaturis, quantumcumque perfectè cognitis, non quietaretur intellectus, donec ad quidditativam Dei cognitionem perveniret.

S. V.

Solvuntur objectiones.

Gentilium & Hæreticorum argumenta nullius ponderis sunt, & idcirco omittenda. Sed potest contra primam rationem D. Thomas objici primò: Objectum nostræ voluntatis est bonum universale in predicando, hoc est bonum abstractum ut sic, sicut etiam verum in communi est objectum nostri intellectus: Atqui Deus non est bonum universale in prædicando, vel in cauando, id est, omnis boni perfectionem formaliter vel eminenter in se continens: Ergo ex eo quod objectum nostræ voluntatis est bonum universale, non rectè infinit D. Thomas, solum Deum posse ejus appetitum perfectè satiare; sed committit aqui-

28.

29.

30.

31.